

FRONLEICHNAMSDAACH EN OWWEBREISECH

Robert Hoß

Vür Fronleichnamdaach en Owwebreisch,
bat woren mir Jöngelche dann fleissech,
et joof dehäm kä „Glutzefon“,
mir hatten dann zebasch ze dohn:

Fröhmorjens jing et en de Bösch,
Mir schnitten Tannegröns – janz frösch,
der Lehrer jof os dofür frei,
oos jing et öm die Spillerei!

Versteches, Räuber on Schanditz,
bat sein mir dorch de Bösch jeflitz,
mir kannten jede Boom – jed' Heck,
on hatten all e joot Versteck.

Beim Mettachsälude jing et ab,
de „Rötsch“ eronne – on em Trab,
bis en de Schull - pünklech om ähn
jingen mir zefridde häm:

Kän Aufjab ob – nur Gröns jeschnidde,
prima jespillt – on Morje widde,
dat selbe Spill – dat stond at fess:
em Sack do woren nur gruuße Äss!

Dat Reise holle wor en Wonne
Die wuren dann ze Kränz jebonne,
von der Mädche en de Klasse,
die hatten dobei ihre Spass!

Kränz on Jerlande aus der Reiser,
hingen späder an der Häuser,
bont jeschmück on schön jespannt,
üwwer de Strooß von Wand ze Wand.

Am nächste Nometdaach finge me dann
Met dem „Bloomestroppe“ an.
Affjeplöck wurten die Blöte,
die me massech fenne deten.

Kornbloome – Klatschmohn – Matzelene,
Kliebblöömche – Jenster – all die schöne
Blöömche, bont – von jedem jett,
domet der Teppich Farwe hätt.

Der wur aus Bloome dann jelaach,
jedes Johr Fronleichnamdaach,
an vier Ältär – noh alter Sitte;
de Ress koom op die Stroßemette.

An jedem Haus de Fahn eraus,
von der Holl bis an de Kraus,
die Brokes on die Frankebach,
woren schön parat jemaach.

Altärche stonnten dann en Mass,
en Weiher- on en Ritterjass,
och op de Lesbaach woren die Häuser,
jeschmück met Maie – Berkereiser.

Dat wor e Bild: die Sonn dät scheine,
vom Kerchtorm hört me Glocke läude,
der Kerchechor song feierlech,
de Schötze newwech dem Himmel ehrförschtich.

Den Himmel trochen dann vier Mann,
die zeletz jeheiot hann.
Üwwe die Bloome schrett feierlech nur
Mem Allerheilechste – der Pastur!

Bi Engelche su schön die Mädche,
en ihre lange weiße Klädche.
Die Messdehner en rude Röckche
Met Roochfass – Fähnche – Kercheglöckche.

Der Kerchevorstand hatt et schwer,
trooch Mantel on Velum von oosem „Här“,
on komm dobei janz schön an et schwitze,
Stirn on Zylinder däten blitze.

Noch heut hüren ech em Trohm die Musik spille,
die ganze Prozession em Chor laut senge:
„Großer Gott wir loben Dich“
Am Fronleichnamdaach en Owwebreisch!